

حارس الدرب

يا حارس الدرب جيتك مثل عابر سبيل
أما أكرم الضيف ولا.. لا تجيب أخبره
خله يسافر على الدرب البعيد الطويل
لا ترشده عن بداياته ولين آخره
مثلك ليامره الوزن الثقيل الثقيل
يتجاهله.. ما عرف قدره ولا عبره
منته لحالك بخيل.. الحظ مثلك بخيل
نزرع بذور الأمل ولا نشوف أثمره
نمني النفس والأمال زرع وحصيل
وأيماننا تحصد المحصول وتبعثره
والضيقه اللي تجدد كل ما حل ليل
تستشرف الغد.. ولي أمس تستحضره
وتدوّن القافية على بحور الخليل
وان مارضت في بحوره جت تزيد ابهره
دورت عنها بديل ولا لقيت البديل
وسلمتها قلب شاعرها وتستثمره
تستثمره شعر في رجوى الزمان الجميل
وأن ما قراها بشر.. أولى بها دفتره
يا حارس الدرب.. لا من جاك عابر سبيل
لا تقيمه ظلم.. من شكله ومن مظهره

حسين بن سوده